



Jens NapätôK'
Inatsisartunut ilaasortaq, Naleraq

§ 37 naapertorlugu apeqqummut nr. 159/2025-mut akissut

Asasara Jens NapätôK'

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuussutigineqartut qujassutigaakka. Apeqqutit issuarneqartarput tamatumalu kingorna akineqarlutik.

Ulloq: 27-08-2026
Suliap normua: 2026 - 14668
Allagaatip normua: 267375453

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

- 1. Paarlakaallutik suliartortartut aamma aalajangersimasumik atorfeqartut, suliassanik assingusunik suliqartartut, akissarsiaasa, pensionisiassaasa, bonusisiassaasa, ineqarnermut, angalanermut iluaqutissarsiaasalu allat ataatsimut aningaasatigut nalingat qanoq annertutigisumik assigiinngissuteqarpa?**

Akissut

Sulisut ilinniakkatigut qanoq tunuliaqutaqarnersut, sutut atorfeqarnersut, ukiuni qassini atorfeqarsimanersut, atorfininnermi qanoq atugassaqtitaanersut akissarsiatigullu immikkut tapisarnersut apeqqutaammat ataatsimut aningaasatigut nalingisa qanoq assigiinngissuteqartiginerat naatsorsoruminaatsoq, Kalaallit Nunaanni Peqqinnissaqarfup (Peqqinnissaqarfik) ilisimatitsissutigaa.

Paarlakaallutik suliartortartut isumaqatigiissutit nunatsinni atuuttut naapertorlugit Peqqinnissaqarfimmit akissarsisinnerqartarput. Paarlakaalluni sulinnermut Danmarkimi isumaqatigiissutit naapertorlugit tapisarinnerqartartunut sulinnermilu immikkut atugassarititaasunut tunngasut Danmarkimit aningaasalersorneqarlutillu akilerneqartarput, tassa tamakkua Peqqinnissaqarfimmit aningaasalersorneqaratillu akilerneqarneq ajorput.

Peqqinnissaqarfimmi aalajangersimasumik atorfilinnut atorfininnermi atugassarititaasut isumaqatigiissutinik nunatsinni atuuttunik tunngaveqarlutillu sulisussarsionermut tigumminiinnarnissamullu tapisiaqartinneqarput kiisalu piffissami sivikitsuinnarmi taartaasartunut paarlakaallunilu suliartortartunut tunniunneqarneq ajortunik ukiumut pissarsiaaqqartinneqartarput.

- 2. Ilumoorpa paarlakaallutik suliartortartut akissarsiamik aalajangersimasumik 15 procentiinik ilassutitut pensionisiaqarsinnaasut imaluunniit suliartornerup naammassinerani ataasiartumik bonusisiaqarsinnaasut, aamma sooq aalajangersimasumik atorfeqartut atugassarititaasunik taama ittunik neqeroorfigineqanngillat?**

Akissut

Aap. Paarlakaallutik suliaortortut paarlakaalluni sulinermit Danmarkimi isumaqatigiissutit naaportorlugit aalajangersimasumik akissarsiami 15 procentiinik ilassutit pensionisiaqarsinnaapput ataasiartumilluunniit bonusinnannissaq toqqarsinnaavaat. Tamanna Danmarkimi tamatumunnga tunngasuni susassaqtut akornanni isumaqatigiissutaallunilu Danmarkimit aningaasalersorneqarpoq.

Peqqinnissaqarfimmi sulisut tamarmik isumaqatigiissutit qaqugukkulluunniit atuuttut pensionisiassallu pillugit aalajangersakkat nunatsinni atorfininneranni atugassarititaasuusut naaportorlugit pensionisiassaqtartitaapput.

Aamattaaq akissuteqaat 1 takuuk.

3. Paarlakaallutik suliaortortut qassit ineqarnerat akilernerqartarpa, ineqarnermut aningaasartuutit suut matussuserneqartarpat, sulisumullu ataatsimut qaammammut agguaqatigiissillugu aningaasartuutit qanoq annertutigippat?

Akissut

Paarlakaalluni sulinermit aaqjissuussineq suli atuutilinngimmat, paarlakaallutik suliaortortut qasserpiaat ineqartitaassanersut suli ilisimaneqanngilaq.

Paarlakaallutik suliaortortut nunatsinni sulinerminni ineqartitaasinnaatitaassapput. Ineqartitaanissaat Danmarkimi sulisitsisuannit isumagineqartassaaq, ineqartitaanerannullu aningaasartuutit Danmarkimi Nunap Immikkoortuinit akilernerqartassallutik. Ineqarnermut atuinernullu akiliutit ineqartitaanerannut aningaasartuutitut ilanngunneqartassapput. Sulisut ataasiakkaat ineqarnerannut atuinerat ilanngunnagu qaammammut akiliutigineqartartussat agguaqatigiissillugu 7.300 kr.-t missaanniissangatinneqarput.

Tassa Peqqinnissaqarfiup paarlakaallutik suliaortortut ineqartitaasernerat aningaasartuuteqarfigineq ajorpai. Paarlakaallutilli suliaortortut sulinermit ajunngitsorsiatut ineqartitaanerminnut akileraartarnermut malittarisassat Danmarkimi atuuttut naaportorlugit akileraartussaataapput.

4. Sooq najukkami najugaqartut aalajangersimasumillu atorfeqartut assingusumik akeqanngitsumik ineqartinneqanngillat, ineqarnermut tapiiffigineqanngillat imaluunniit aningaasatigut taarsiiffigineqanngillat?

Akissut

Peqqinnissaqarfik najukkami najugaqartunut aalajangersimasumilluunniit atorfilinnut akeqanngitsumik ineqartitsinissamut, ineqarnermut tapiissuteqarnissamut aningaasatigulluunniit taarsiinissamut immikkut ittumik tunngavissaqarnanilu aningaasalersuinissamut periarfissaqanngilaq. Sulisunut inissiamik Kalaallit Nunaanni malittarisassat nalinginnaasut atorfinitsitsinermilu atugassarititaasut naaportorlugit innersuussisarpoq.

5. Akileraartut, pensionisiassat, bonusisiassat ineqarnermullu aningaasartuutit ilanngaatigereerlugit paarlakaalluni suliaortortut aalajangersimasumillu atorfeqartut aningaasat atugassai qanoq annertutigisumik assigiinngissuteqarpat?

Akissut

Sulisut ataasiakkaat qanoq akissarsiaqartiginersut, ukiuni qassini atorfeqarsimanersut, qanoq akileraartiginersut, pensionisiassanik qanoq ileqqaagaqartiginersut,

ineqarnikkut qanoq inissisimanersut atorfininnermilu immikkut ittunik atugassaqartitaanersut apeqqutaasarmat aningaasat atugassaataatsimut isigalugit qanoq assigiinngissuteqartiginersut naatsorsoruminaappoq. Taamaammat tassa paarlakaallutik suliaartortartut, piffissami sivikitsuinnarmi taartaasartut aalajangersimasumillu atorfillit aningaasat atugassaasa qanoq assigiinngissuteqartiginerisa assigiissaartumik naatsorsornissaannut tunngavissanik soqanngilaq. Akissarsiat soraarnerussutisiat, ukiumut bonusit aamma sulisussarsiornermut tigumminiinnarnissamullu tapisiat pillugit paasissutissat isumaqatigiissutit atuuttut naapertorlugit takuneqarsinnaapput.

6. Akissarsiatigut atugassarititaasutigullu assigiinngissuteqarneq toqqaannartumik imaluunniit toqqaannanngitsumik assigiinngisitsinertut isigineqarsinnaanersoq Naalakkersuisut inatsisitigut nalilersimavaat, naliliinerlu tamanut saqqummiunneqassava?

Akissut

Paarlakaallutik suliaartortartunik aalajangersimasumillu atorfinittussanik atorfinitsitsinermi tunngaviusartut tamatumanilu aaqqissuussinerit najoqqutarineqartartut assigiinneq ajormata, akissarsiatigut atugassarititaasutigullu assigiinngissuteqarneq toqqaannartumik assigiinngisitsinertut isigineqarsinnaanngitsutut Peqqinnissaqarfiup nalilerpaa.

Akissarsiatigut atugassarititaasutigullu assigiinngissuteqarneq paarlakaallutik suliaartortartut Danmarkimi isumaqatigiissutit naapertorlugit atorfinitsitaanerisa ilutigisaanik danskinit aningaasalersorneqartumik akissarsiatigut atugassarititaasutigullu allatut inissisimanerannik pissuteqarpoq, soorluttaaq sulisunut taartaasussarsiorfinneersunut aamma taamaattoq, massa aalajangersimasumik atorfillit isumaqatigiissutit nunatsinni atuuttut naapertorlugit atorfinitsinneqartartut.

Ineqarnermut tunngasuni atugassarititaasuttaaq sanilliunneqaaqissaarneqarsinnaanngillat. Paarlakaallutik suliaartortartut ineqartitaanissaat Danmarkimi piffissami tassani atorneqarnerini sulisitsisorisaannit isumagineqartassapput. Ineqartitaanerannut aningaasartuutit Danmarkimi Nunap Immikkoortuinit akileneqartassapput, sulinermili ajunngitsorsiatut ineqartitaanerminnut tunngatillugu akileraartussaataapput, soorluttaaq sulisut taartaasussarsiorfinneersut aamma taamaaliortussaataitasut. Taamaammat tassa paarlakaallutik suliaartortartut piffissami sivikitsuinnarmi taartaasartunut naleqqiullugit ineqarnermut tunngasuni atugaat ataatsimut isigalugit pitsaanerunersut pitsaannginnerusutulluunniit isigineqarsinnaanersut nalileruminaappoq.

Naalakkersuisut naliliinerat naapertorlugu paarlakaattarnermik aaqqissuussinerup siunertaa, sulisunut taartaasussarsiorfinneersut atorneqarnerisigut ineriartorsimanermut sanilliullugu pitsaanerullunilu naapertuunnerusumik aaqqiissuteqarneruvoq. Taamatuttaaq naalagaaffiup aningaasalersuinermit akisussaaqataalernera peqqinnissaqarfimmik ineriartortitsinissamut, aaqqissuussinerup aningaasaqarnikkut atuisinnaanerulersitsinissaa naatsorsuutigineqarpoq.

7. Kalaallit oqaasiinik oqaasillit qassit immikkut akissarsisinneqaratik oqaluttaanermik, nutserinermik, sulisut nutaat ilinniartinnerannik imaluunniit kulturikkut attaveqartuunermik suliaqartarpat, ukiumullu suliassat tamakku nalunaaquttap-akunnerinik qassinik atuiiffiusarpat?

Akissut

Sulisut kalaallisut oqaasillit immikkut akissarsisinnerqaratik oqaluttaanermik, nutserinermik, sulilerlaanut ilinniartitsinermik kulturikkulluunniit attaveqartuunermik suliaqartarnersut ukiumullu suliasat tamakku nalunaaquttap-akunnerinik qassinik atuiffiusarnersut Peqqinnissaqarfimmit nalunaarsorneqarneq ajormata kisitsisaataatigineqanngillat.

Oqaluttaanermik suliasat Peqqinnissaqarfimmi sulisut ulluinnarni nalinginnaasumik suliasaannut tunngaviatigut ilaanggillat. Oqaluttaanermik suliasat oqalutsit ilinniarsimasunit imaluunniit sulisunit oqalutsit atorfilinnit isumagineqartarput. Oqaatsitigut allatut ikiunneq, sulilerlaanut ilinniartitsineq kulturikkulluunniit attaveqaataaneq ulluinnarni nalinginnaasumik suliasanut pisariaqartillugu ilaasinnaasarlutillu qanoq piffissartorfiutigisimanersut immikkut nalunaarsorneqarneq ajorput.

- 8. Aalajangersimasumik atorfeqartunut akissarsiat aalajangersimasut 5, 10 imaluunniit 15 procentiinik annertussusilimmik tigumminniinnarnissamut bonusiliinissaq qanoq akeqassava, paarlakaallutik suliaqartarnermut aqqissuussamut, inissanut, angalanernut taartaasartunullu aningaasartuutitut sanilliullugu?**

Akissut

PPK-p isumaqatigiissutaa naapertorlugu aalajangersimasumik atorfillit ukiumut isertitami 10,35 procentiinik ukiumut bonusinnattarlutillu sulisussarsiornermut tigumminniinnarnissamut tapisiaqartinneqartarput.

Sulisunut sorlernut ilassutitut bonusiliinissaq aalajangerneqartinnagu taakkulu akissarsiaat ataatsimut katillugit qassiunersut naatsorsorneqartinnagit aalajangersimasumik atorfilinnut akissarsiat aalajangersimasut 5, 10 imaluunniit 15 procentiinik annertussusilimmik tigumminniinnarnissamut bonusiliinissaq qanoq akeqassanersoq naatsorsorneqarsinnaanngilaq. Taamaammat tassa maanna paasissutissaataatigineqartut tamatuma qanoq akeqarnissaata naatsorsornissaanut amigartut.

Inuulluaqqusillunga



Anna Wangenheim